

- 1 Dô sprach aber Hartmuot 'ob ich ein michel her  
nâch ir fûeren solde erde unde mer,  
daz tæte ich willicliche. ich bin in dem sinne,  
ich erwinde nimmer, unz ich die Hilden tohter gewinne.'

Boten mit Briefen werden zu Hetel geschickt, werden aber abgewiesen, weil Hartmuts Vater Ludwig ein Dienstmann Hagens sei. Dôch Hartmut will ohne Kudrun nicht leben, zumal seine Boten berichten, wer die Minnigliche einmal gesehen habe, dessen Herz sei stets von Freude erfüllt. Auch der König Herwig von Seeland wirbt um Kudrun und bereitet, ebenfalls abgewiesen, einen Heereszug in Hetels Land vor.

## XII AVENTIURE

WIE HERWIC HERVERTE UF HETELN UNT IM KUTRUN  
GEGEBEN WART.

- 2 Dô noch die recken sliefen in Hetelen sal,  
dô ruofte ein wahtære für die burc ze tal  
'wol uf in der selde! wir haben fremede geste,  
unt wâfent iuch, ir helde. ich sihe von manigem liechten helme glest.'
- 3 Si sprungen von den betten unt lügen dô niht mër.  
swer dâ inne wære, armer oder hër,  
der muoste haben sorge der ère unt ouch des libes.  
alsô gerte Herwic in dem herten sturme sines wibes. --
- 4 Hetele sach ir dringen vaste gën dem tor.  
jâ wære er ungerne gewesen dô dar vor,  
vater der Kûtrûnen, swie küene er doch wære.  
ja erzurnden in die geste. im hulfen sider sine burgære.
- 5 Gewâfent wart dar inne ein hundert oder baz.  
der wirt der streit selbe; mit willen tete er daz.  
sin volc daz was küene: daz mohte in niht gewerren.  
man vant dâ schaden starken, den Hetelen tete Herwic der herre.
- 6 Dicke sluoc ûz helmen den fiwerheizen wint  
Herwic der herre. daz sach des wirtes kint,  
Kûtrûn diu schœne. daz het si z'ougen weide.  
der helt der dûht' si biderbe; daz was ir beide liebe unde leide. --
- 7 Hetele unde Herwic, für ir beider man  
die guoten ritter sprungen. liuhten in began  
der louc ûz gespenge, daz in dâ hie vor handen.  
daz werte vil unlange, unz sie bède ein ander wol bekanden.
- 8 Dô der künic Hetele sô rehte küenen sach  
den stolzen Herwigen, in dem strite er sprach  
'die mir ze einem friwende des recken niht engunden,  
die enwisten wer er wære. er houwet durch daz verch die tiefen  
wunden.'

1,2 erde unde mer, Akkusativ des Raumes.